



Kommuneqarfik Sermersuumi angalatitsiveqatigiinnit sullissinissamut tamanut neqerooruteqartitsineq

1. Aallaqqaasiut

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq – matumuuna isumaqatigiissuteqarnissaq aamma tunniussineq/qulaani taaneqartut pisortat oqartussaannik suliffeqarfiinillu il.il. neqerooruteqartitsinermik ingerlatsiffigineqarput.

Kommuneqarfik Sermersuumi angalatitsiveqatigiinnit sullissinissamut tamanut neqerooruteqartitsineq pineqarpoq.

Kommuneqarfik Sermersooq pisiniartarfissamik ataatsimik isumaqatigiissusiornissamik kissaateqarpoq.

Angalanernik aqutsinissamut inniminniisarnissamullu ataatsimut aaqqiissuteqartoqarnissaa suliakkiisup pisariaqartippaa. Suliariumannittussarsiuussinermi Kalaallit Nunaannut Kalaallillu Nunaannit Danmarkimut timmisartorneq Nunattalu iluani angalaneq ilaatinneqarput. Ukiut siuliinut naleqqiullugit atuinerit ukiumut Kalaallit Nunaata Danmarkillu akornanni timmisartumik angalanerit 800-t missaat kiisalu Kalaallit Nunaata iluani angalanerit 2.700-t missaat atorneqarnissaat naatsorsuutigineqarput. Angalanerit taaneqartut amerlassusaat oqaluttuarisaanermi misilittakkaneerput taamalu amerlatigeqqissaarnissaat imaluunniit aalajangersimasumik kaaviiartitsinissanut aalajangersimasunut sillimmataanatik toqqammavissiaannaallutik.

Neqerooruteqartumut malugeqquneqarpoq, tamanut saqqummiussereernerup kingornatigut neqerooruteqartitsineq allannguuteqarsinnaasoq, tassunga ilanngullugu immikkut piumasaqaatit aamma neqerooruteqartitsinermi piumasaqaatinik allannguisoqarsinnaammat. Tamanna pillugu Sermersooq toqqaannartumik ilisimatitsissaaq.

Kommuneqarfik Sermersooq neqerooruteqartitsinermi ataatsimoortumi naligiissumik aamma erseqqissumik suleriaaseqarnermik qulakkeerinnippoq.

2. Neqeroorutigineqartup annertussusia aamma ulluliussat

Kiffartuussinermi minnerpaamik Kalaallit Nunaannit Danmarkimut utimullu kiisalu Kalaallit Nunaata iluani angalanernut attuumassuteqartut makkuussapput.

2.1. Angallalluortoqalernerani neqeroorutit akinillu appaanerit

Nioqqutissanik pisiniartarfiup angallalluortoqarnerani (maaji-septembari) suliniuteqarnermigut akinik pitsanngorsaasinnaassaaq. Timmisartuutileqatigiinnut aalajangersimasunut akikilliliinissamut isumaqatigiissuteqarnissaanik piumasaqaatitaqartitsisoqassanngilaq. Pingaartinneqarpoq nioqqutissanik pisiniartarfiup akinik unammilleqatigiilluarsinnaasunik suliniuteqartarsimanerani uppersaateqarnissaanik qulakkeerinninnissaa, matumanilu niuffaffinnik ammasumik takutitsinernut, akinik allanngortissinnaasunik toqqagassaqaarnikkut, aallarfassanik allanik peqartitsinikkut, suleqatigiinnissamut isumaqatigiissuteqarnikkut aamma ilaatigut timmisartuutileqatigiit allat attuumassuteqartut isumaqatigiissuteqarnerisigut.

2.2. Angalatitsiveqatigiiffimmit sullissinerit (ataatsimut aaqqiinerit)

Kommuneqarfik Sermersuumi angalatitsiveqatigiinnit sullissinissamut ataatsimut neqerooruteqartitsineq ilaavoq.

Sullissinissamik pisiniartarfiusussap ujarlernernit inniminnikkanillu allannguinerlut, inniminnikkanik atorunnaarsitsinerlut, billitsinik tunniussinerlut, akiliinerlut, akiligassaliornernut nalunaaruteqarnernullu tunngasut tamaasa suliarisinnaassavai.

Kiffartuussinerit minnerpaamik makku ilaassapput:

- Nammineq imminut sullinnissamut isertarfeqarnissaa.
- Kalaallit Nunaata iluani timmisartumik sinersortaammillu assingusumilluunniit angallassutitut inniminniinerit suliarinninnerillu.
- Kalaallit Nunaannut Kalaallillu Nunaannit inniminniinerit suliarinninnerillu, matumanilu Kalaallit Nunaata Danmarkillu kiisalu nunat tamalaat tikittarfiinut allanut angalanerit.
- Nunanut allanut angalanernut inniminniinerit suliarinninnerillu sinneri, matumanilu nunat tamalaat tikittarfiinut Kommuneqarfimmut Sermersuumut attuumassuteqaraangata angalanerit siunmut utimullu.
- Namminersorlutik Oqartussat isumaqatigiissutaat biilinillu attartortarnernut isumaqatigiissutit malillugit akunnittarfinnik inniminniinerit.
- Inniminniissamut aqutsinissamullu nammineq imminut sullinnissamut periarfissaq.
- Oqarasuaatikku mailikkullu atuisunik sullissinerit, matumanilu pisariaqartitsileriataarnermi, kalaallisut qallunaatullu oqaatsit atorlugit.
- Timmisartumik angallassinermi CO₂-mik nalunaarusiornerit kisitsisinillu suliaqarnerit, kiisalu angalanernut attuumassuteqartunut allanut CO₂-mik paasissutissanik tunniussiviusinnaasunut sinnerinut.
- Angalaneq pillugu politikkimik siunnersuineq angalanernillu angalanermilu aningaasartuutit pitsanngorsaaneq.

2.3. Atuutsitsilerneq aallartitsinerlu

Pisiniartarfisartagassap toqqarneqartup angalatitseqatigiiffimmut aaqqiissutissatut neqeroorutaasup atuutisilissavaa, taamaalilluni aaqqiissut tamanna kingusinnerpaamik 1. januaari 2027-mi atuutsilerneqarluni, misilittarneqarluni ingerlannissaanullu piareersimassalluni.

Sullissinissamik pisiniartarfiusussap Kommuneqarfik Sermersooq suleqatigalugu atuutsitsilernissamik pilersaarummik suliaqassaaq. Atuutsitsilernissamut pilersaarut minnerpaamik imaqaassaaq aaqqiissutissatut siunnersuut, atuisunik pilersitsineq atuisullu pisinnaatitaaffii, misileraaneq, ilaatigut paasissutissanik nussuineq, ilinniartitsineq kiisalu ingerlatsinissamut piareersaaneq.

Sullissinissamik pisiniartarfiusussap aaqqiissummik atuinissamik sulisut attuumassutillit ilinniartissavaat. Ingerlatsinermut ilitersuutit kalaallisut qallunaatullu neqeroorutigineqassapput.

Sullissinissamik pisiniartarfiusussap aamma atuisunik ilitersuutit suliaqarlunilu atorussaateqassaaq, saqqummiinermi atorussanik kalaallisut qallunaatullu allasimasunik paasissutissanik peqassalluni.

Pisiniartarfiusussap aaqqiinermut nutaamut ikaarsaariarneq ima pissasoq qulakkiissavaa, taamaalilluni aaqqiissut Kommuneqarfik Sermersuup 1. januaari 2027-mi atorsinnaalissallugu.

Suliap aalajangersimasumik imarisai aamma annertussusia piumasaqaatini nassuiarneqarput.

Ullut:

01.09.2026	Neqerooruteqartitsinermik nassiussineq
02.10.2026	Neqeroorut tunniunneqassaaq kingusinnerpaamik 2. oktoberi 2026 nal. 12.00 kitaani nalunaaqutaq naapertorlugu.
19.10.2026	Tunniussinermut aalajangiineq nalunaaruteqarnerlu
20.10.2026	Piffissaq uninngaffiusoq (ullut 10-t) 20. Oktoberi – 30. oktoberi 2026
02.11.2026	Isumaqatigiissutinik aallartitsineq
01.01.2027	Isumaqatigiissutip atuutilerfia

3. Pisiortorfimmut pimasagaatit

Pisiniartarfiup suliassai:

- Inunnik angallassinermik sivikinnerpaamik ukiuni pingasuni misilittagaqarnissaa, nammineq ingerlatsinikkut attartuilluniluunniit sullissinermi.
- Pisortanut imaluunniit aqqissuussanut annernut namminersortunut angalatitsiveqatigiinnik sullissinermik sivikinnerpaamik ukiuni pingasuni misilittagaqassaaq.
- Angalasariaqalernermik pisariaqartitsisunut ulloq unnuarlu ammasumik kalaallisut qallunaatullu ikiuisinnaassaaq.
- Nammineq imminut sullinnissamut neqerooruteqassaaq (web, app il.il.) angalanermut inniminniinernut aqutsinissamullu atornerqartussamik
- Aqqissuussanut/immikkoortortanut ataatsimut akileeqqusissutinik suliaqarsinnaassaaq.
- GDPR-inut malittarisassanik atuuttunik eqquutsitsissaaq Suliakkiisumillu paasissutissanik passussinissamut isumaqatigiissusiorsinnaassalluni:
 - Inunnut paasissutissat isumannaatsumik suliarineqassapput isumaqatigiissutaannarmut siunertamut taamaallaat tunngasunut.
 - Atuisinnaasunik aqutsisoqarsinnaassaaq, isersinnaasut atuisunillu peersitsisinnaasunik suleriaaseqassalluni.
 - Paasissutissanik suliaqarnissamut isumaqatigiissummik inuit pillugit paasissutissanik illersuinissamut aqqissuussami piumasaqaatinik naammassinnissalluni (EU 2016/679).

Sullissinissamik pisiniartarfiusussap aamma angalanernut aningaasartuutinillu paasissutissanik sukumiisunik takutitsinissamut neqerooruteqassaaq, matumani makku ilaallutik:

- Atuisoq, immikkoortortaq piffissamilu aalajangersimasumi angalanerit amerlassusaat. Atuisoq ima paasineqassaaq inuk angalasussaaq, angalanissamik inuk inniminniisuunngitsoq.
- Timmisartumik angalanermut atasunik aningaasartuutit.
- Timmisartumik angalanermi ataatsimi CO₂-mik aniatitsineq ataatsimullu angalanerni aniatitsinerit.
- Paasissutissanik Excelimut nuussisinnaaneq.
- Atuisunut naleqqussakkanik nalunaarsuisinnaaneq kisitsisinillu pingaarnernik takutitsisinnaaneq.

4. Teknisk Platformimut piumasaqaatit

Aaqqiissutissatut neqeroorutaasut teknisk platformimut ataatsimoortinneqassapput, tassani neqerooruteqartitsineri kiffartuussinerit tamaasa ikorfartorsinnaassallugit, minnerpaamillu makkuninnga imaqaassallutik:

- Sullissinissamik pisiniartarfiusussap atuisunut ilitersuutit, inniminniisunut aqutsisunullu ilitersuutit attuumassutillit kiisalu atuinissamut paasissutissat pisariaqartinneqartut kalaallisut qallunaatullu tunniussinnaassallugit.
- Inniminniisamut billitsinillu tunniussinissamut aaqqiissutit pisariitsut atoruminartullu (web, app aamma/imaluunniit e-mail atorlugit).
- Aaqqiissutit Kommuneqarfik Sermersuumiit angalanermi politikkimi sukkulluunniit atuuttumi malittarisassat suleriaatsillu attuumassuteqartut tapersersinnaassavai. Angalanermut politikki ilanngussaq 6-itut ilanngunneqarpoq. Ilanngussaq 6-imi siusinnerusukkut angalatitsivittut pilersuisuusimasup aqqanik, taassuma attaveqarfissaanik, hotelinik isumaqatigiissutinik imaluunniit akiliinissamut aaqqiissummik aalajangersimasumik innersuussinerit uani neqeroortitsissummi piumasaqaataangillat, taakkulu KS-ip sukkulluunniit isumaqatigiissuteqarfigisimasaanik pilersuisumut aammalu akiliinissamut isumaqatigiissummit malitseqartunut innersuussinertut paasineqassapput. Imarisai imminnut naapertuutinngippata neqeroortistineri piumasaqaataatit isumaqatigiissullu sallinneqassapput.

Angalanermut politikkip allanngortinneqarnera: Angalanermut politikki ilanngunneqartoq neqeroortitsissutit tamanut saqqimmiunneqarnerani atuuppoq. Allanguutit taamaallaat KS-ip nammineq allaffissornikkut suleriaasiinut tunngappata, KS-ip isumaqatigiissutsip atuunnerata nalaani angalanermut politikki nutartersinnaavaa. Taamatut allannguuteqartitsineq Pilersuisup sullissineranik, akisussaaffiinik, sullissinerup qaffasissusaanik imaluunniit akigititaanut tunngavigisaanik allanngortitsissanngilaq, Pilersuisorlu akinik iluarsissuteqarnissamut imaluunniit allatigut akiliiffigineqarnissamut pisinnaatitaaffeqalersissanngilaq.

- Atuisut pisinnaatitaaffiinik assigiinngitsunik immikkoortiterisinnaaneq (soorlu angalanissamik inniminniisartut, akuersisartut il.il.)
- Angalanerit, aningaasartuutit, CO₂-mik aniatitsinerit avatangiisinullu paasissutissat pillugit kisitsisitigut paasissutissanik sukumiisunik naluaarusiornissamut moduli.
- Paasissutissanik avammut nuussinissamut periarfissaqartumik tunngaviumik annertusisamillu naluaarusiorsinnaaneq.
- Aaqqiissutit Pilersuisup akinik pitsaanerpaamik pissarsiniarluni suliaqarnera tapersersinnaassavaa, tassunga ilanngullugit angalanissamut periarfissamut periarfissanik billetillu akiannik attuumassuteqartunik ujaasineq sanilliussinerlu.

5. Neqerooruteqartumik ilisarititsineq

Neqerooruteqartoq pillugu naatsumik nassuiaat ilanngunneqarsinnaavoq. Neqerooruteqartup aamma angalasunik suliaqarnermi assingusunit misilittakkani nassuiarnissaanut piumaffigineqassaaq, matumanilu pisortat kattuffiillu annerit Kalaallit Nunaannut/Nunaannillu angalasussanik sullissinernut tunngasut.

Neqerooruteqartup aamma suliffeqarfiup CSR-imik nungusaataanngitsumillu suliaqarnera naatsumik nassuiarnissaanut piumaffigineqarsinnaassaaq. Nassuiaat ilaatigut uppersarsarneqarsinnaassaaq CSR imaluunniit ESG atorlugit naluaarusiornerit, politikkini, anguniakkanik, akuersissutinik uppersarsaatinilluunniit allanik attuumassuteqartunik atuinikkut.

6. Akit kiffartuussinermullu aningaasartuutit

Neqerooruteqartup suliariumannittussarsiuussinermi atortunut ilassutitut ilaatillugit neqerooruteqarnermut allattorsimaffimmik/akinut immersukkanik immersuissaaq. Akit, akissarsiat, kiffartuussinermut akiliutit aningaasartuutillu allat neqerooruteqartup akiliuteqaqqusissutai tamarmik neqerooruteqartitsinermi allattorsimaffimmi ersarissumik ammasumillu allaqqassapput. Neqerooruteqartup neqerooruteqartitsinermi ilanngussamini sukumiisumik ilanngussat aamma ilanngutissavai.

7. Suliakkiisoq

Kommuneqarfik Sermersooq
Suliffeqarfiup iluani Kiffartuussivik
E-mail: udbud@sermersooq.gl

8. Apeqqutit akissutillu

Apeqqutit allaganngorlugit kalaallisut danskisulluunniit uunga nassiunneqassapput udbud@sermersooq.gl. Sammisatut allanneqassaaq:
"Kommuneqarfik Sermersuumi angalatitsiveqatigiinnit sullissinissamut tamanut neqerooruteqartitsineq".

Apeqquteqartoqarsinnaavoq 25. Septembari 2026 tikillugu nal. 12.00.

Apeqqutit akissutillu neqerooruteqartitsisunut tamanut attuumassuteqartutut nalilerneqartut neqerooruteqartitsisunut tamanut neqerooruteqartitsinermi suleriaaseq malillugu malittarisassat malillugit tunniunneqarsinnaassapput.

9. Isumaqaatigiissut

Isumaqaatigiissut Kommuneqarfik Sermersuumi suliarineqassaaq, illuatungeriinniillu atsiorneqassaaq.

10. Isumaqaatigiissummik tunniussineq

Isumaqaatigiissut "akit pitsaassutsit sullissinerillu " akornanni pitsaanerpaamik takutitsisumut tunniunneqassaaq. Pointilersuineq pereerpat nalilersuineq pissaag:

Piumasaqaammik naammassinninneq	Pointit
Piumasaqaatinik pitsaavissumik/naammaginavissumik naammassinninneq	5
Piumasaqaammik pitsaasumik naammassinninneq	4
Piumasaqaammik naammaginartumik naammassinninneq	3
Piumasaqaammik akunnattumik naammassinninneq	2
Piumasaqaammik akunnattumit appasinnerusumik naammassinninneq	1
Piumasaqaammik naammaginangvissumik naammassinninneq	0

Piumasaqaatit allat	Pingaartitat
---------------------	--------------

Aki	40 %
Pitsaassutit kiffartuussinerlu	60 %

Neqerooruteqarnissamut piffissaliussaq

Neqeroorutit kingusinnerpaamik tunniunneqassapput 2. oktoberi 2026 nal. 12.00 (kalaallit nunaata kitaani nalunaaqutaq). Neqeroorutit tiguneqartut ammarneqarneranni najuuttoqarsinnaangilaq. Neqerooruteqartoq ataasiinnarmik neqerooruteqarsinnaavoq.

12. Atuutsinneranut killissarititaq

Neqeroorut 30. novemberi 2026-p tungaanut neqerooruteqartumut pituttuisuussaaq.

13. Sillimaffigisassaq

Neqerooruteqartut kaammattorneqarput nangaassuteqaannaratik apeqquteqartassasut. Neqeroorutit nangaanartoqartinneqartut itigartinneqarsinnaapput.

14. Neqerooruteqarnerit allat

Neqerooruteqarnerit allat akuerineqassanngillat.

15. Oqaatsit

Neqeroorut kalaallisut imaluunniit qallunaatut allaqqassaaq.

16. Neqeroorummuk akiliut

Neqerooruteqarnermi atortut utertinneqassanngillat, neqerooruteqarnerlu pillugu akiliuteqartoqassanngilaq.

17. Neqerooruteqartitsinermi angusaq pillugu ilisimatitsineq

Pisiniartarfissamik toqqaasoqareernerata kingornatigut neqerooruteqartut tamarmik ilisimatinneqassapput.

18. Isumaqatigiissut malillugu suleqatigiinnermik naliliineq

Illuatungeriit suleqatigiinneq pillugu ataavartumik nalilersuisassapput.

19. Isumaqatiginninniarnissamut inerteqqut

Neqerooruteqartitsinerup nalaani isumaqatiginninniartoqassanngilaq.

Naammagittaalliuteqarsinnaaneq Pisortat Pisiniartarnerat pillugu naammagittaalliut uunga tunniunneqassaaq; Neqerooruteqartitsinermi Maalaaruteqartarfik Inatsisartut inatsisaat nr. 6, 12. juuni 2019-imeersoq malillugu

Ilanngussaq

Ilanngussaq 1: Pisiniarnermik aamma Neqerooruteqartitsisarnermik politikki 2024 ileqqorissaarnermik najoqqutassanik imalik

Ilanngussaq 2: Isumaatigiisummut missingiut

Ilanngussaq 3: Ilumoorluinnarnermut uppersaarsaat

Ilanngussaq 4: Paasissutissanik takunnissinnaatitaaneq

Ilanngussaq 5: Neqeroorutit allattorsimaffiat

Ilanngussaq 6: Kommuneqarfik Sermersuumi angalaneq pillugu politikki